

成具光明
定意經

百七十一
必五

48486



元祿九年丙子二月日重修

皇圖業固 帝階級昌

佛日增輝 懋輪常轉

山城州天安寺法金剛院置

百一

成具光明定意經五

後漢西域三藏支曜譯

必

聞如是一時佛在迦維羅衛國精舍中止晨
朝整服呼語阿難汝請諸明士除惡衆及無
著履跡等來今日當有上問異要於是阿難
受勅應時徧宣如來教於四輩人時有除惡
無著履跡衆凡五千萬人詣如來所稽首于
地畢而避任復有賢女棄惡衆及國中凡女
人隨諸賢女人十四萬衆詣如來所稽首于
地畢各異座而坐復有明士八十億萬二千
人詣如來所稽首于地儼然恭住復有文士
居家修戒者四萬人相隨來至稽首于地畢

各却住佛以威神感動十方諸佛國明士及
上諸天應當成者及當發者凡八百億萬人
皆飛來至佛所誓首于地列住空中復有十
二天神將軍將諸官屬四十萬人來詣佛所
誓首于地畢各分部住佛左右立侍所當是
日會時如一時頃悉至佛所佛即令坐其有
肉體未得四神足者應皆就榻十方諸來明
士及諸天神身輕或已得神足者皆踊在空
中坐自然座各各有化華蓋行列竒好皆佛
威變之所興化也諸來明士在會坐者率皆
妙行心清口淨身服衆誠三穢六患五蔽已
索衆煩熱惱雜垢蕩若疑網閉結倒見之謬

不知之本十二牽連皆已絕棄淨如月華各
隨世習俗依行立字

有明士名無穢王
次復名光景尊
次復名智如山弘

次復名大華淨
次復名轉根香
次復名月精曜

次復名光之英
次復名整不法
次復名善中善

次復名崑崙光
次復名日光精
次復名師子威

次復名意如雜寶
次復名炎熾妙
次復名德普洽

次復名音調敏
次復名敬端行
次復名慈仁署

次復名慧作
次復名散結
次復名嚴儀具足

次復名高遠行
次復名光德王
次復名護世

次復名導世
次復名大力
次復名正淨

次復名天師
次復名善觀
次復名觀音

如是衆名各各別異於時有貴姓子名曰善明從同輩五百人人各有侍者執蓋相隨來詣佛所誓首如來足下起任觀衆四面甚盛仰視空中率皆上人天尊在坐端嚴直立興心念言今日大福遇此衆會欲設飯食以供一日計身所有不能供辦施不等接則非施也我將如何於是佛知善明所念則勞之曰少年善來寧聞法勸之說乎曰未達也起時則起可謂智矣不計少多有所希望可謂施矣向所念者如來在此何患不辦如來能使不辦者辦不足者足一切常足所作常辦是謂如來如來辦者不用衣食欲樂之物乃以

具戒不聽六患五蔽之感不惟家樂不有四
食之想亦無衣容冠幘之飾處計常之中而
知無常之諦居或樂之地則覺必苦之對在
貪有之室照空無之本於受有之體計命非
身之真無我無作無緣無著斯如來之辨也
於是善明聞天尊說心悅結解身輕踊躍曰
我本無點連縛十二心起就冥墮俗三流今
日所聞未嘗有法願身受持如天尊教咸樂
妙法因而歎曰

天人之尊 如來爲上 慈悲勸救 等施三界
劣漏貧行 攝以法財 令一切惑 解釋無疑
身尊具貴 相好無雙 出意爲人 演法無窮

叡慧衆流 注如山澤 法澤三界 流衍十方
大人相滿 寶慧具足 在在現法 將導不逮
慧照愚冥 牽致淨處 願身自歸 得到彼安
於是善明歎畢更前長跪啓天尊曰願卒本
意今日設饌惟乞加哀枉屈臨願天尊默然
自如常法善明恭立謂未見聽於是阿難開
語之曰天尊默然爲已相許善明聞之心則
逸豫稽首而出住於門外遣人入白阿難言
今自計所有可供二千人飯願啓天尊令知
如此阿難即白佛具宣善明所言佛告阿難
汝語善明便還供設盡汝所有佛當與大衆
一切皆往勿嫌不辦阿難即出具語善明如

佛教言阿難又曰賢者便還莫起二意畏有
不足佛神所致無有不具善明即前禮阿難
而還還舍勅其妻子室內大小言今所請者
号曰天尊神妙通達爲一切智其以一物施
是人者世世受福而無窮極又能度人解於
索結汝等恭肅淨施飯食具設衆味當令絕
美眷屬徒使各盡心極意天尊難遇億劫時
有其所當爲善今清淨於時坐中有明士名
力辦衆有佛告令行共佐善明供此大衆於
時十二天神王及四天王大勢龍王承佛告
教皆從力辦衆有明士往而佐之到則勞來
謂善明曰賢者勤心佛使我等來相營助善

明則前禮明士及諸天王敬意辭謝言勞屈
上人今已辦二千人飯具大衆當來懼是小
舍其將柰何於是力辦衆有明士及諸天神
王荅言莫憂因各左右顧視屋室自然長廣
高大像天之殿於時屋下便有千億萬座皆
是衆寶變地之形紺瑠璃色室中牀座亦復
如是如彈指頃即有百千億萬人飯具而皆
足畢燒衆名香懸諸繒幡其所行道即更廣
平色如水精樹木行伍自然音樂雅聲相和甚
悲說法之音釋梵八種於時力辦衆有明士
及諸天神王即還佛所善明見此大變驚喜
踊躍來詣天尊白言受佛大慈所設已具惟

願舉衆枉屈尊神佛即令無穢王明士等六
百萬人在於前導或行虛空佛處中央其餘
從後如來出門地則肅振諸天散華燒衆名
香乃作上樂歌誦而從到皆就座諸天神王
即助施飯佛口呪願食已飽足飯不消趨衆
器飯具滿則如故善明心獨而言天尊威變
弘廣乃尔食訖行澡水當問此意行澡水畢
如申臂頌佛與大衆恍忽而還在精舍坐於
是善明因復歎曰

天尊實神妙

世所希見聞

變改卓犖異

覩者莫不欣

諦觀甚竒雅

現變難等雙

不作而自具

不勞飽滿衆

不語自然使

不教令自行

不爲而過爲

是德以何將

本行何術法

生而有此榮

積何德之本

致此巍巍尊

願哀貧道者

開饒以法財

使心之結網

施令無餘疑

善明歎已更避坐义手啓言我所居上去是

不遠聚名福安佛向所哀願處是也我在其

聚常好學問學世威儀古王之制及學神仙

聖人之法始聞天尊近在國興意想像夢

輒髣髴天尊弟子名舍利弗常到我舍爲我

說法法甚深妙我所希聞心雖欣歡猶懷夢

夢今日暫來禮拜天尊并觀道法所當則行

至見心悅如真覩光意欲設飯因獲異問所

有劣少未敢發言。天尊神達迎知我心道力
助我牀坐食饌。忽然而辦。食畢器具滿。則如
故此何變化神妙。乃尔又觀天尊三十二相
相相有好視之無狀。行則詳序不遲不疾。坐
則中坐不前不却。語聲八種不緩不急。言成
法律明誠如日。令一切衆咸受恩福。本作何
行生而有此。又見天尊足不履地。相輪炳列
端嚴如畫。身空體輕。在所變現。此皆何行於
世。有是願垂解了。今知本末。於是佛言善哉
善哉。如尔所問。如來當具演之。整心整意。咸
受莫忘善明。則曰。受教佛言。我本先行六德
之行。世世不廢。是以至於得佛恣意變化。在

所作爲爲一切智無物不達也善明日曰何謂
六德之行曰廣施廣戒廣忍廣精進廣一心
廣智慧善明日曰何謂廣施佛言爲道者先當
知身非常真物四大所成骨肉不淨皆當捐
棄還歸其本不得常住身不我有財物非我
許心無有形了無常名爲緣緣行縛所以有
身行身無有常亦當空朽已計如此則立四
信內身外身天地萬物皆無常住當歸壞敗
棄散消融以信以立則觀非觀則體非體觀
物非物便能恣施飽滿於人又而法施幸化愚
矇故曰廣施何謂廣戒曰廣戒者謂能攝身之
三殃守口之四過檢意之三惡身行者若見一

切衆生蚊行蠕動愍而哀傷縱而活之隨其
水陸還而安之若見衆寶瓊琦柔軟細滑可
意之物雖身貧苦內伏其心不令貪取及見
細色脂粉之飾則內觀朽爛膿血之臭斯身
之三戒口行者謂彼若以四過加已則而覺
知口之失也報以善言和語至誠不飾荅而
化之使反從已斯口之四戒矣意行者則心
習智慧思惟生死常在慧處不惑流淵又能
深入道品空無之要別了真嗔而無疑難見
善則勸成則代喜斯意之三戒故行道之始
先於十誠既能自爲又化他人勤而不懈行
而不休都無懈怠之想故曰廣戒也何謂廣

忍曰廣忍者若人罵我計從聲出音來到此
觀了無形本音所來出於心意觀于心意亦
復無形察心所倚於四大四大還本則亦無
名亦非彼我亦非男女亦非老少計了無主
慙辱所在慙辱無形立字於兩無之中又亦
無形計此三者空無所有智者散意觀慮如
此則瞋恚不生以空忍空又於衆惡忍而不
爲對來不起檢心伏意身自能尔又誨他人
此謂廣忍也何謂廣精進曰減於多食不味
於味除於睡卧驚意晨夜遠俗近道行於衆
誠坐起之法不失其儀無犯之行當習於此心
道品之要汲汲樂誦晝則勤受夜則經行語

則應律身口意并徒倚憶法不離經文坐而
廣說意不以煩開教愚頑不以懈勞違心反
意自建專精身既自能又誨他人斯謂廣精
進何謂廣一心曰孝事父母則一其心尊敬
師友而一其心斷愛遠俗而一其心入三十
七品而一其心空閑寂寞而一其心在衆煩
亂而一其心多欲多諍多作多惱於是之處
而一其心褒訕利失善惡之事於是不搖而
一其心數息入禪捨六就淨而一其心身自
能行復教他人此謂廣一心也何謂廣智慧
曰明士墮於受身則有三痛六患五蔽之垢
六十二沉吟之想八十八難解之縛千八百

鋒瘡之痛若此之事則以智慧一一開了觀其所起察其所滅視其所病選以何藥既揔其要令身不毀戒意不入俗處衆愛之中心在道品之藏寄六患之舍心在六淨之堂住五蔽之室心在斷滅之戶倚不固之屋心思方便之護坐馳玩之地心念捨遠之徑乘坏船之險心圖自濟之路近盛火之林心推灌滅之安是以明士行智慧之便拔出生死之難絕三界之想就滅度之地既自身行又教他人此謂廣智慧六德之行義也向所問如來神變相好無量之德所以致之行此六法及諸慧定三十七品揔持無邊底之行故得

佛号天尊無所不能爲也。於是善明及衆會聞天尊說則皆舉言願發無上獨尊平等之意。皆言今日咸得大福。令一切人疾速。此行善明時則得四淨。一爲眼淨。二爲身淨。三爲口淨。四爲意淨。欣然佞頭默思法義。於是善明避坐長跪啓如來曰。天尊所說廣度無極。法禁微妙。檢攝意態。伏心就淨。殃垢消滅。其聞此者功德已大。況乃履行德難稱量。天尊又說前世非但行此六事而已。又行定意之法。及揔持無底邊三十七品。乃成具佛事。四無所畏。十種力。十八神妙特異之法。變化自在。所說無難而面見諸佛。飛到十方而授一

切諸未度者率化度之而壞邪惑將導曲亂
而生受苦之中不著不斷以不著不斷作因
緣行教諸惑者如此之妙德無央數事行何
等定意致得之乎惟願天尊爲今現在及未
來者演其深義令獲解脫佛言善哉善哉所
欲問者今爲分別具敷大要整意善聽則曰
受教佛言有定意法名成具光明其有人聞
之者若能履行一日至七日其功德福不可
譬喻其聞是法者先世已供養百千億佛已
於其座具聞不疑今生乃復值遇是成具光
明定意法令得修行行之如彈指頃長離三
惡道功德漸滿疾遠至佛向所問諸事悉能

成具善明日當行幾事而得此尊定意佛言
當淨行百三十五事乃得入此定耳遠身行
離口過除意念盡三穢却六患遏五蔽十二
因緣已捐盡解結束明六十二沉吟行愈衆
瘡悅畢惱捨諸大棄骨血避親屬絕諸習斷
於愛無諸可無不可刻貪跡刈欲根不惑流
而制疾不我計無不我立四信住四止就四
斷捶五根習五力曉七智履八正入八念八
瞢瞢爲已無勤可行離不可行學上智自尊
意不貢高而柔軟能如法如一法不兩計不
三想不爲無益想無有際想不空想不想想
想無處不任無處想善惟佛智佛淨已知淨

而善學心正任不邪還等善惡如明真於明
真知俱空不疑法不以有淨無觀有無本爲
一已知一而除一不於一而起想懃受教善
習行因習行入無除習勝意不聽心善防識
不亂轉往來三而不著察諸性了無根知無
根不可滿以不滿而自整縷觀法爲同無常
任無絕無想常無常已過上不念人不宥世
不著物罷捨求法合離了無見身生死皆由
化上中下如法等於是世任後世觀二因如
虛空心無欲而常仁行清白善誘人知人向
爲反濁於反濁而澄清心遠愛勸入火以淨
火燒衆垢已盡垢寂而淨不念善不念惡不

惟好不惟醜不念苦不念樂於毀譽無歡怒
心調淨所在入開大藏入大法以道律護漏
法苦習審勤承行以盡道爲光曜視一切性
識起流結真意思止勤求止以入道翦三愛
除四失增四城離五覆絕六慢修六敬具六
法證行七慧強八力拔九結習九滅十弘淨
法爲已能十力慧已備足十直法不復學慧法
種而常存於三寶已能備以法施無極盡於諸
事能備行入無所著入空無懈却無吾念無我
想無人計無籌筭寂如滅度是爲百三十五事
成具光明定意戒法之行佛說是成具光明定
意戒法品時三十萬明士得是定意功德成具立

於第十之地善明則得無所從生法忍五百同輩
人心欣意悅皆發無上獨尊平等覺意四十萬
明士皆立不迴還行除惡衆五萬人皆得無所
著道持五戒賢士賢女二千人皆得履跡之行
諸天在虛空中而作音樂歎曰快哉世人乃獲
上聞之要其在愚蒙埃濁者今日霍然除盡譬
如淨水洗浴垢穢今聞大法心垢爲消願令法
輪常轉使一切人疾逮妙慧我等常遇天尊所
生不離疾得是成具光明定意當廣宣法恩
還照流真如今日大會興立無數道本善明
白佛言今聞天尊說是定意靜心自思觀我
無點慧心了不知處於外於內俱亦如是佛

告善明譬猶冥室執炬而入則莫知冥之所
在是定意法其能履行道品成具則不知無
黠十二牽連之所失也善明非但是而已則不
見十方生死起滅之處也至履跡無著因緣覺
佛乃至如來皆無見有所想見非見也無所想
一切清淨想止清淨想亦不止清淨想是為空
見無所見善明白天尊云何不止清淨想是
為空見當是時心在何許所見何等佛言善
明於是時心不在內不處外不於道不於俗
不於有不於無不於起不於滅不於動搖處
也是心無根際無音響本末了索當如是見
是見為見為空為滅為都無所有定意之法

以此爲見明士當作是計念除念就淨作是
計念者爲應成具光明定意之教法也是法
無所有法故強爲其名明士聞是莫恠莫疑
諦而思惟其法不退不懈斯爲已得定意威
神之護力也善明其欲學此者當先行四事
稍入無見處曰何謂四也一不有身二不有
居三不有世四不有物已能如此者則得入
四要曰何謂四要曰一爲佛要二爲法要三
爲空要四爲滅要此謂四要也佛時而歎曰
無彼無我想亦不無點計十二因不著
是應成具足是定法本無非有任立處
哀世現其名空行亦合義人心并意識

此三為起法

行是成具足

無起無所滅

空為成具地

生死苦斷離

一切無餘跡

是合定意行

世人轉相倚

邪見著名姓

貪有利常想

纏縛無數行

積行常躓礙

憂惱著意感

四變如隨影

往來無休息

行定無所倚

正觀不著名

貪盡想得滅

解結清淨安

淨行不罣惑

感惱意了無

生老病已絕

無復往來憂

慧眼明已大

智本無邊底

點使度無極

行定乃致此

世火星月明

日曜崑崙光

釋梵殿所照

是定明過上

佛告善明乃往昔無數劫時有佛名尊伏欲

王時佛住世壽十萬歲不在是南天竺止自
於今北方淨耀天師佛所住處是也彼國去
是三億萬佛土乃得之尊伏欲王佛時人壽
二萬歲常可自從弟子六十萬人明士衆不
可計國民熾盛豐饒寧靜率皆賢行戒德相
差欲貪三垢薄而尠也時佛大會十方明士
普受持說是成具光明定意我時在坐悅心
喜樂宿行成滿即得是定意便而成具佛事
在於四曙之一數是時有長者子名曰敏見
年五百歲時國人以為少年敏見聞佛大會
則啓二親乞行詣佛觀其所作父母聽行即
往見佛誓首于地禮敬正住喜心興盛便脫

身玲瓏雜寶瓔絡散于佛上以佛神威應時
所散化成華蓋到覆大眾人人各別佛令就
坐為說是成具光明定意法心又增欣則時
願言令我所生常遇是成具光明定意疾盡
履行無虧減於戒德是時少年以一切寶施
與發一言之至願以是故所生世世輒得聞
受善明寧知彼時少年不平則尔身是也今
我出世汝復值遇聞是定意於今已後必得
不久得慧定後三百劫當具成佛号導世王
天上天下之獨尊當化導愚冥如我今也善
明聞佛授其封拜之名則心淨體輕譬如瑠
璃水精中水潔淨一切無穢以所置處處并

後淨其心若斯則時得十潭然法一者潭然
不以所見為動二者於諸煩勞之事潭然常
足三者於衆想潭然不想四者流俗所樂汲
汲之事潭然而飽捨五者於德不德潭然不
念求不念否六者善法惡法潭然不著七者
謙者賢者潭然不望榮八者敬養捨棄潭然
無歡怒九者一切如法失法潭然同其原十
者以入淨寂若處不淨能以法化潭然無差
別無猷捨之念心以如此因白言天尊今授
封拜之要於我我當報恩宣開一切令未聞
者聞未知者知未度者度之我生死常多雖
多雖久不以為勞已不著已覺已能整已為

不惑已能入其被服隨因緣而示見之我不
以生死為生死也我受佛威神已悉俱了我
有等率五百人願天尊加四等之大慈勉引
入法令疾解是成具光明定意於是佛笑皆
見光從口出五色煒曄明接十方其在痛者
一時得安還從頂入自如常輝侍者阿難整
服避坐叉手啓曰佛未嘗虛欣欣笑必有故
惟願彰演散告未聞於是阿難則如歎曰

面部人雄顏

眼鼻口正端

金體極輭細

今笑何盛欣

方口含白齒

脣像朱火明

姿美八十種

今笑必有因

鏡齒牙四十

廣舌頰車方

語則香氣發

今笑為誰成

眉鬚紺青色

眼瞼雙部當

白毫天中立

今笑惟願聞

天眼已了朗

道眼已備通

法眼與慧眼

此四已具成

笑必有感應

啓化於未成

或當受拜決

故笑發金顏

佛語阿難佛真不妄笑也今善明所從五百

賢士前世已供養二百億佛已於其坐聞是

成具光明慧中百三五行自從初聞歷世

踰多然常剛猛適在小善之數未能伏心受

於清淨最妙定行雖余以聞之功德所生不

在三惡處常遇值是尊定之法今日來會淨

心聽受稍稍解釋開入正諦後慈仁佛立當

於彼時得是成具光明定意却後三十六萬

億劫皆成。為佛當復。以是法教化所領國土。各各有号。有名幢節。布曜王。次名大光。徧顯。次名大勢。伏惡。次名猛盛。威德。次名流水。淨音。次名高德。普接。次名景現。除結。次名化幻。自在。名各各如此。於是五百賢士。聞所受。使欣悅。踊躍。則得五無轉心。一者祠祀求福。心不轉為二者。一切五味。可否皆是衆生之身。命終不轉為害生。可口三者。正立於無上。獨尊之行。終不轉動。捨就小道。四者。知見是法。尊無有與等者。勤心修行。雖有他法。雜異之虛而已。法心觀別。終不轉為五者。正使世有佛無佛。法興法衰。有終有始。心在定意不。

以無此三寶故不轉為邪業。是為五無轉心。已得是心法義。皆前長跪白天尊曰。佛哀我等。告其封拜成佛之名。我等當報恩。後若所生弊惡之世。當勤修正行。奉宣尊法。開化未知亂者。正之。解者。勸之。却者。勉之。傾者。扶之。缺慢者。補完之。冥者。照之。結者。解之。殺者。為說天逝之殃。盜者。為說貧乞之苦。姪者。為說燒身之禍。讒佞欺者。為說滅性之患。醉亂者。為說危身之變。我等今日并於佛前誓立五願。作明士行。及成至佛行之。無休已。願佛哀於我等。聽我等所言。第一之願者。我作明士行。疾令身而變化。周流十方。若世無佛。洪通。

正化改邪從正其心四等不生憂劣弟子或有知法者言信實有佛但滅度耳凡俗之人邪見疑網生不見佛又不知法便言無佛但虛妄耳若審有佛何不現其威神乎兩諍如此當諍時我瘦當往化現佛身相好照明又化威神於是兩諍人前令見知諦有佛并謂之曰汝莫疑也是疑人即當驚喜因為說法教度脫之已便化去如是無極第二之願者佛有大妙極深無量法文十二部要佛滅度後弟子各學一經偏見一卷不能徧洽未解四說方便之等便轉相難或言虛或言有言是義當尔是不當尔真知法義者言辭相貌

不曉義者貪於名字飾貌貌狀如解達便於
衆會兩諍興恚捨善就惡當是諍時我當往
現身變化有踰於衆令衆肅然便為斷說是
別正者牽經開語令俱歡喜已便化去如是
無極第三之願者佛滅度後俗人外僧之士
入佛弟子大衆中弟子論說法義言及衆道
分邪別正差品高下便言是道九十六種之
中佛為尊耶有四神足飛行變化天上天下
無如佛智者俗知之士生不覩佛習於邪見
信小毀大便語佛弟子言汝莫妄說去佛神
足飛行變化先古已來人之品類無有此也
誠不實言但虛妄耳當此之時我便化作佛

身相示諸種好現于神足經行空中身出火
水令諸俗人外智之士肅然而驚乃知威神
之化以爲說法授以正戒畢乃化去如是無
極第四之願者若人讀誦佛經獨在野室若
在山間或於大國尊姓長者及與人民無有
師法或師不明顧無所問心用疑網我化作
道人被服往到其前句句爲解本末分了疑
意燿開令入微妙而無疑意已便化去如是
無極第五之願者所生國處常遇見佛佛滅
度後弟子立廟圖像佛形并設講堂論義經
法若俗之人開學小慧縛在四倒聞佛弟子
說度世法生死之要便往難却不諒真正謗

訕譁訛貪名求勝或加損恚欲往壞敗陵訛
毀憊卑易弱之蔽於正道令不得行當尔之
時我便當化現佛身更爲說絕妙之法現其
生死殃福之應將詣天上令觀福舍牽致泥
犁便視罪報法威以震之智乃以伏之令即
降伏信就大道已便化去如是無極我作明
士乃至成佛常當行此五願無有休息願天
尊以大恩之福覆祐我等令得所志於是佛
言善哉願也斯成明士所當志念從今已往
必得不失但當常護其行莫令毀漏勤率一
切疾獲尔志佛時歎曰

意大興願普

化惑以此五

當成無央數

疑者得入道

此德無有量

為衆行之英

若人聞是願

疑網永除亡

五願為佛地

所伏合道化

大慧無過是

此願人中上

五百諸賢士

啓願少等雙

後生得不失

一切受福慶

佛謂諸賢士一切在坐者是法真諦宜善奉

行當以戒具為本不以虛言綺語為應法也

當忍而不為惡若在空閑及於大眾尊卑之

處內制其心令如誠法不以閑讌而犯漏行

不於衆會而自大不用尊顯而驕貴不以卑

弱而轉隨不暫善不暫惡不種無益之事心

如正法無有搖却不作增減之念也如此明

士善根五願必獲。尔志疾成。至佛是時無穢。
王明士避坐長跪。啓天尊曰。願佛今日現是。
成具光明。定意威神。令此衆會見之。悅心喜。
樂。皆當發意立其德本。未成者成。未度者度。
於時坐中有明士名大力普平。佛讚大力普
平現是成具光明。定意威神。即時受教。便於
其坐而不起動。因入慧定。神靜之意。如彈指
頃。三千大千之國。諸小山。大山。大障山。小障
山。悉滅不現。一切皆平。紺瑠璃色。復令十方
他佛國土。皆通相見。相去如一尋所也。觀十
方諸佛坐處。譬如仰觀星宿。不可計筭。復以
右手舉十方諸佛三千大千國土。以著一指。

上之下之。如舉一塵。其中人民。螻動之類。無有知之者。而有驚怖之念也。於是復以一切十方諸佛之國。以內方圓一尺之器中。而不逼迤現變。畢竟懼如常故。其在坐者。皆見如斯悉而驚欣。踊喜發於大願。其心皆在無上獨尊之地。八百萬明士及諸尊天。得安樂慧定。復六十萬人。悉入通解法門。復六萬八千人。得是成具光明定意。十方諸來明士。莫不歡喜佛告善明。一切人所以不學。是成具光明定意者。爲住於惑故也。計有以在。有便著。深黑冥以在。著。深。譬猶冥夜。復閉目。行便無所見。無所見者。謂今所受身善惡。自前之所。

造也以不覺見故便呼嗟啼泣謂今爲善反
受惡罪或先爲惡反受善福不曉思惟此本
便結在疑網已在疑網於可學便不欲學可
進不欲進可入不欲入是故忘失是定在於
哭悲變惶累劫無終已來往無休息名曰勞
苦行也哀哉善明此輩可傷故佛出世正爲
愚迷人故其有人學是正定者彼所感念生
死之煩皆疾得除復能訓導一切諸著有者
善明常當思惟空法莫任惑誤亂也善明白佛
言若有賢士生於種姓之家統領縣官位率
國正心多煩亂不得專一欲學是定當奈何
乎佛言善明賢士生有縣官之因緣或在不

安隱處欲學是定不得巡心者但當書是經
卷供設坐閣燒香敬禮朝中人定不失三時
頭面爲禮懇惻至心又當加行十五事一者
不殺二者活生三者不妄取四者而恩施五
者不姪六者遠色聲七者不欺不調八者而
忠言善諫九者不醉十者不以酒爲惠施十
一者擁護羸劣不令枉橫十二者其所臨主
加以仁心各使得所十三者寬弘大受包化
不肖示以正教十四者其來歸於已有所陳
訴必而正平應於法律令無枉愠十五者以
善勸上悉施於民終始無懈行是十五誠莫
得休廢此亦應定意之教法必得不失後長

解脫也善明白佛言若有凡人爲宿罪所牽
在不安隱處拘逼制礙有志於是成具光明
定法而不得從心意欲學是尊定當柰何乎
佛言善明凡人至心欲學者亦如上說善書
是經卷爲設坐閣燒香敬禮不失三時當復
加行十事一者修奉五戒無有缺犯二者當
以閑暇稍稍誦行定意法文三者雖執事作
內心誦習使不忘誤四者在勤勞屈苦之地
當知是宿行所爲而無愠恚五者若所居地
無佛形像無離惡衆心常存憶向四方作禮
如對佛無異六者謹勅柔軟調和心意下於
一切七者所作盡節而無虛飾八者饒作等

侶不愛筋力九者若見老羸疾病瘦耄
傷念扶護至心不飾十者常歸命三尊而不
怠忘是爲十事凡人雖在勤苦拘礙之處當
行此十事莫毀莫懈亦應定意教法世世不
失後長解脫也善明白佛言若有賢女人姻
於種姓之家或有居事之業因緣不得捨離
欲學是成具光明定意當柰何乎佛言善明
女人有居事因緣志欲學是正定者亦如上
說善書是經設立棚閣供施幡華燒香敬禮
頭腦著地雞鳴日中人定三時爲禮不失至
心懇惻常願離於女人之身心絕愛欲如是
無懈又當加行二十事一者持上賢士十五

誠中之十。誠而不毀。缺二者。捐於妬心三者。減於鑲釧之好。四者。除於脂粉之飾。五者。無有姿態。六者。衣服真純。而不奢麗。七者。育養室內。以慈心相向。八者。輒教奴婢。不加楚痛。九者。攝護孤獨。衣食平等。十者。孝事其上。仁接下小。十一者。下聲下意。當自剋責。十二者。謙卑誠慎。常知慙愧。十三者。所作爲者。手執其事。清淨香潔。施於翁姑。父母供養。三尊及與師友。十四者。親踈善惡。慈而等之。無此四念。差別之相。十五者。若在私室。空閑無人心。不念欲。十六者。端慤精一心。常在法。十七者。所欲施。作報於所尊。然後乃行。十八者。無自

專之心常以卑順勅誠其身令如正法十九
者終不於牆垣窺看有邪僻之念二十者坐
起言語終不調戲常應法律而無輕失是為
賢女人居家行正定之法如此莫漏功德漸
滿後長解脫也善明白佛言若有小姓凡女
人性樂賢行者家貧困厄執事勞苦憂在衣
食不得自在內馱殃罪欲疾解脫聞是成具
光明尊定清淨之法至心欲行當去何乎佛
言善明如此凡女人輩在於貧困欲學是定
雖不能得具行誠法者且當修奉十事莫作
違捨一者親就賢友從受五戒行不毀缺二
者雖飢雖寒忍不殺盜以自飽暖三者雖獨

居處忍不邪淫數諫心意四者雖貧忍不欺
怠以求財賄五者於酒食倡妓忍不觀戲六
者尊行定法者視之如佛七者常行五善心
一為念施心二為恭敬心三為禮節心四為
下於一切心五為制伏衆態心八者雖在事
作心誦法文而無懈怠九者六齋入塔禮拜
三尊十者雖無錢財以用布施常身自掃灑
塔地以淨水漿給與衆僧澡手洗浴以力為
施勤而不厭是為凡女人在於貧困而行是
十事不有懈怠此則巍巍生則值佛常遇定
法後長解脫佛言善明我所說賢女凡人貴
姓賢女凡姓女人好賢行者四品之行誠法

了了其身履行無毀漏者是之福祐難譬喻也善明譬人以七寶滿是十方上至二十八天以用布施百千劫不休不如彼四輩人行成具光明定意四品法功德出於彼布施福上巨億萬倍所以者何夫福者有盡有苦有往來有煩勞有食飲行是成具光明定意則無此五也寂然潔淨一切盡滅是曰最尊故喻勝也善明當布露是誠令一切聞受持行之此明士所當勤勸率也佛告善明我滅度後若有人行是成具光明定意及書持經卷供養作禮者當有十二大天神擁護之令不枉橫所在安隱不爲惡所中傷今爲汝說此

諸神名字其在危難水火盜賊兵革善誦行
是經文不以恐厄故而廢致者是十二大神
即當往護之終不使橫殃佛無二言也當廣
宣告一切人令誦習之

有神名大護

復次神名福救

復次神名祐衆

復次神名不厄

復次神名善將

復次神名光明

復次神名道戒

復次神名拔苦

復次神名大度

復次神名度厄

復次神名安隱

復次神名普濟

佛告善明是十二神久有願於佛當防護是
持法者行是成具光明定意法誠處當令有

五清淨一者爲經所在高座常令清淨二者
燒香掃地令清淨三者衣服常清淨四者心
口意常清淨五者讀是經時先施清淨巾盥
手漱口常令清淨是爲五也於是佛告阿難
以成具光明定意法囑汝善書經文慎莫增
減勤教一切人疾令受解阿難是經難遇所
以者何其要先從六度無極起乃正入定是百
三十五行此中有孝誠有謙誠有忍誠有禮
節誠有衆善法誠有空法誠乃至滅度處無
不具有也佛身所有相好慧力悉從此法出
爲尊上爲斷生死所謂無比之法也重囑累
汝諦以授之當以了了佛之出世難常見法

誠之興亦難值遇也汝莫怠遠阿難言受天尊教佛說經竟十方諸來明士及諸天神禮佛歡喜忽各還本所忍國諸明士除惡眾天龍鬼王及四輩人間經欣悅各以頭面著地禮佛而去

成具光明定意經

必

菴

舊音胡郭反又於縛反崑崙上音昆下洽

侯

夾反冠情下音責漢宣帝已前皆殺俞

聖

紺青甘暗反卓犖下呂角反異也

髻

上芳反又下芳曹莫登反又莫中捐

棄

上音緣弃也蚊渠移反而准反真嘖下

俗作弃同蚊蟲行良螻一音軟

不笑	同	尔	下	上	祠	輒	也	少	地	郭	宥	止	於	顏	所	作	箭	
相	逼	反	俗	正	祀	明	反	曙	也	反	也	音	也	葛	反	晏	諺	
似	迕	惡	下	讒	二	之	反	時	忽	恩	又	反	反	反	反	嗜	俗	
也	謂	下	上	音	佞	字	貞	庶	躓	也	寬	剗	謗	又	非	語		
訴	音	彼	也	紫	下	上	祭	音	頰	潭	礙	剪	初	也	所	也		
告	音	力	惰	奴	助	也	詞	頤	古	然	也	音	削	眼	翫	王		
也	素	反	憂	紆	定	銜	似	叶	反	上	什	致	同	二	反	又	音	
枉	惻	也	緣	反	反	弊	反	恬	正	也	礙	籌	劉	愚	元	給	音	
愠	反	昌	反	巧	言	弊	騷	靜	作	感	直	割	魚	官	毒	徒		
於	上	側	讌	諛	諂	俗	一	即	之	澹	憂	倉	計	留	刈	吠	反	也
問	紆	不	反	於	也	也	用	同	白	徒	曆	也	反	也	反	也		紫
反	往	調	見	燿	上	反	也	濫	也	反	埃	插	坏	褒	訕	上		
怒	反	吊	下	驕	反	呼	完	燎	竺	塵	音	插	器	反	訕			
也	下	反	徒	音	郭	兒	下	音	燁	竹	音	哀	楚	未	回	上		
暇	不	奢	嬌	譁	戶	皮	檢	反	上	甚	霍	然	也	夾	燒	反	必	
閑	音	肖	蹇	訛	全	官	也	眼	下	紆	反	息	二	反	反	也	毛	
夏	音	下	暫	反	上	也	反	上	余	鬼	淺	呼	上	同	刺	過	下	反

老莫号反

棚閣

上步

耕反

姿態

下他代

慤

用

謹也 墻垣

下音

園一音

日音

窺

傾也

僻

偏反亦反

財賄每反

倡伎

上音

樂也

盥

洗音

漱

洗音

瘦



